




Igalelo

Mashi/Ephreli 2009

Official Newsletter of the KwaZulu-Natal Department of Transport



MPIMPA 086 221 1010
YOUR VOICE CAN SAVE LIVES.

UZuma uthulela owezokuThutha isigqoko ngemisebenzi ebonakalayo



Kwesishuthekiwe: UMongameli we-ANC uJacob Zuma noNgqongqoshe wezokuThutha KwaZulu-Natal uBheki Cele babeke indlebe njengoba iNhloko yoMnyango uChris Hlabisa ebachazela ngohlelo oluzoqhube kaekwakhiweni kwebhuloho nomgwaqo eNkandla.

Kwesikhulu: Umfula uThukela kuzokwakhiwa ibhuloho eThulwane eNkandla.


**LALELA IZINHLELO ZETHU
KWEZOKUTHUTHA EMISAKAZWENI**

Lalela uhlelo loMnyango kwi Gagasi 99.5 fm

Transport Ibandla Ukhosi FM
UMSOMBULUKO
11:30-12:00 pm
ULWESIBILI
08:00-08:30 pm
To phone in call
089 310 9193

GAGASI 99.5FM

ULwesine 6-7 pm



UCele uthembise ukwakhela owesifazane indlu entsha Ikhasi 2



UNgqongqoshe wethule izinhlelo zentuthuko eMsinga Ikhasi 3



UMnyango uqikelela ukubhekelelw komphakathi Ikhasi 5



Phezani ukucashisa izigebengu emakhaya enu Ikhasi 7

"Izimpilo zethu seziguqukile zaba ngcono"



Umbhalo oyisikhumbuzo sokuvulwa kwebhulohlo iThombothi Bridge eMahlabathini

Uk w a k h i w a kwakhelwa imiphakathi k w e b h u l o h o owakwaXasane nowaseSizinda n o m g w a q o esifundeni saseMahlabathini emfuleni iMfolozzi enyakatho nesifundazwe e M n y a m a saKwaZulu-Natal sekube

nomthelela omuhle ezimpilweni zabantu bakulezi zindawo zombili kanti lolu hlelo lomphakathi lube yimpumelelo enkulu.

Ngaphandle kokuthi abantu bendawo bathole amathuba emisebenzi, lolu hlelo lufike nezinto eziningi ezinhle emphakathini njengoba luhlanganise ukwalulekwa ngemisebenzi kwabafundi bezikole zendawo, kwabakhona umqhudelwano webhola kwabuye kwanikwa namathuba okusebenza uqeqeshwa entsheni yendawo.

Lolu hlelo lukhombise futhi lwafakazela ukuthi umehluko ezimpilweni zomphakathi awudingi ukuthi kuze kube nohlelo olukhulu, kodwa kuya ngendlela yokusebenza nokuzinikela konjiniya.

Uhlelo lolu luqale ukwethulwa genkathi kunesabelozimali sango-2008 soMnyango wezokuThutha esifundazweni saKwaZulu-Natal. Luphothulwe ngesabelozimali obelubekelwe sona kanti luqale ukusetshenziswa yile miphakathini esikhathini obelubekelwe ukuphothulwa ngalo.

Kule ndawo kunesikole esisodwa esiyiPrimary School nesisodwa esiyiHigh School ezisondelene nendawo obeluqhutshwa kuyo. Zombili lezi zikole zisemphakathini waKwaXasane entshonalanga yomfula iMfolozzi eMnyama njengoba kubekwa ohlelweni lwendawo. Izingane ezisukela eminyakeni eyisithupha ziyaphoqeleka ukuthi ziwele umfula kabilo uma ziya esikoleni



UNgqongqoshe wezokuThutha kazwelonke uJeff Radebe nowesifundazwe uBheki Cele benikezela amakhompyutha ezikoleni.

Kwesokudla: URadebe enikela ngamabhayisekili ezinganeni zesikole.

noma zibuya khona. Lokhu bekubeka ebucayini izimpilo zalezi zingane ikakhulukazi uma umfula ugcwele, kanti ngesikhathi sasehlobo bezhiale ziphutha njalo esikoleni. Umphakathi wabe sewucela ukwakhelwa leli bhulaho.

Ngenkathi luqhutshwaloluhlelo onjiniya bebegqugquzela abafundi abangu-1200 bendawo basezikoleni eziyisishiyagalolunye ukuthi benze izifundo zobuNjiniyela.

Abafundi abenza uGrade 9 no-10 bebegqugqzelwa ukuthi benze izifundo zeMathematics nezePhysical Science uma



sebeyokwenza umatikuletsheni noGrade 11 kanti abafundi bakaGrade 11 noGrade 12 bebelulekwa ukuthi benze izifundo zeCivil Engineering uma sebephothulile. Abafundi bakaGrade 11 no-12 babuye bavakashisa endaweni obekwakhwa kuyo ukuze bathole ulwazi olunzulu ngezobunjiniyela.

Abantu basemiphakathini okwakhwiwe kuyo ibhulohlo bangofakazi bokuthi izimpilo zabo seziguquke kanjani selokhu lakhiwe.

UCele wethembise ukwakhela owesifazane wasoLundi indlu entsha

imicimbi yoMnyango wakhe, uNgqongqoshe uqala ngokuhambela abantu ukuthola ukuthi baqhuba kanjani ngemuva kokulahlekelwa ngabantu abebobehe amakhaya noma abakhubazekile ngenxa yezingozi zomgwaqo. Kulokhu kuhambla kwakhe abantu, baye bamchazele ukuthi izimpilo zabo seziguquke kanjani zaba sesimweni esibi ngemuva kwezingozi zomgwaqo.

UButhelezi (70) ovalahlekelwa yindodana yakhe engozini yomgwaqo wasala ebheke izingane zayo ezimbili nezinye eziyisishiyagalombili ezashiywa yindodakazi yakhe. Lomndeni uhlala endlini esesimweni esibi kakhulu.

Ngemuva kokubona isimo somndeni wakwaButhelezi, uCele neNhloko yoMnyango wakhe uChris Hlabisa, babe sebezibophezela ekwakheleni uNkk Buthelezi indlu enamakamelo amane, bathembisa nokuthi bazobe sebemnikile okhiye bale ndlu ngaphambi

kokhetho lwango-Ephreli nonyaka.

"Ugogo uButhelezi uzobe esesuka endlini entsha uma eseyovota ngo-Ephreli. Okwamanje lena akuyona indlu efanele wukuhlala izingane ezincane," kusho uCele.

UHlabisa ugcizelele ukuthi isimo somndeni wakwaButhelezi singumthwalo onzima kugogo uButhelezi wathi uzoqinisekisa ukuthi uyasiphucula lesi simo ngokuthi amtholele indlu engcono "ngoba sifuna ukuqinisekisa ukuthi le ndlu iyaqedu ukwakhwa ngokushesha ukuthi baqale ukuhlala kuyo."

Imindeni emihlanu ihangane noNgqongqoshe ngenkathi ekulolu hambo yadlulisa kuye izinkinga ebhekene nazo kusukela yalahlekelwa ngabathandiweyo bayo ezingozini zomgwaqo, kanti iningi layo yalahlekelwa ngabantu okwakuyiphela kwabo ababengababeki bamakhaya. Kule mindeni bekukhona umndeni wakwaButhelezi,

owakwaMbatha, owakwaMdluli nemibili yakwaRadebe.

UMnyango wezokuThutha wenza konke okusemandleni awo ukubuyisela impilo esimweni esejwayelekile kule minden, kanti ngenkathi uNgqongqoshe eyihambele ubo eseyinika amaphaselwa okudla ukuze ikwazi ukubhekana nesimo sendlala kulezi zinsukwana ezipayo.

Lezi zikhulu zibuye zaya komunye umcimbi kule ndawo lapho bekuphendulwa khona isoyi endaweni okuzokwakhwa kuyo ibhulohlo iNyelile nelizobiza isamba sikaR7million. Leli bhulohlo lizosiza abantu baseMabedlana ikakhulukazi izingane zesikole ukuze zikwazi ukufinyelela esikoleni ngaphandle kokubeka ebucayini izimpilo zazo uma ziwela umfula.

UNgqongqoshe unikele ngamakhompyutha ayishumi ezikoleni ezintathu zendawo okuiNdlovana High, Idikane High naseMabedlane Primary School.

UNgqongqoshe uBheki Cele ekanye noGogo uThembeni Buthelezi (kwesobunxle) ngenkathi ehambele emakhaya alabo abalahlekelwe izihlubo ezingozini zemigwaqo eMabedlana oLundi.

UNgqongqoshe wezokuThutha, ukuPhepha nokuXhumanisa uMpakathi KwaZulu-Natal uBheki Cele ukubeke emahlobome ache kabusha indlu yowesifazane osemdalawaseMabedlane oLundi. UCele uzbophezeli ukuguqula impilo kaThembeni Buthelezi ngenkathi ehambele imindeni ehlunkunyezwe yizingozi zomgwaqo kule ndawo muva nje Ngaphambi kwayoyonke

Kuqanjwe ibhulohlo ngeNkosi yaseMsinga

UNgqongqoshe wezokuThutha, ukuPhepha nokuXhumanisa uMphakathi KwaZulu-Natal uMnuz Bheki Cele useqambe elinye ibhulohlo lakule ndawo elisanda kwakhiwa ngeNkosi yakhona Inkosi uSmakade Mchunu, kulandela ukwesekwa akuthola kule ndawo.

UCele uthemchunu ubeyisibonelo esihle sokuthi kumele Inkosi isebeenziane nohulumeni ukuqinisekisa ukuthi abantu bayo bathola izidindo zempilo. Kuyoyonke imicimbi yoMnyango, Inkosi uMchunu ihlale igcizelela ukuthi abantu kumele bafunde ukweliukani phakathi kwemisebenzi eyenziwa nguhulumeni kanye naleyo eyenziwa yiqembu lezepolitiki.

Kule minyaka emihlanu edlule yokusebenza kwalo hulumeni okhona, umphakathi waseMsinga uzithole uhlomula ngemigwaqo nangamabulohlo ezindaweni lapho bekungakaze kucatshangwe ukuthi kungenzeka lokhu khona.

Ekhuluma emcimbini obuwethanyelwe ngabantu abangaphezu kwezinkulungwane ezyishumi abebebuthene emcimbini wokuvulwa kwebulohlo lezimoto eMbalane nelezinyawo KwaLeje, uCele uthemchunu: "Kusukela manje ibhulohlo laseMbalane selizokwaziwa ngokuthi Inkosi Smakade Mchunu Bridge."

Leli bhulohlo lidle isamba semali engu-R10.5million ngenkathi lakhwa kanti elabahamba ngezinyawo loma libize u-R4.1million. Womabili lamabululwo akhiwe ngapezu komfula iMooi River. La mabhulohlo asesindise izimpilo zamalungu omphakathi wakule ndawo njengoba kunabantu abanangi abebelahlekelwa yizimpilo zabo ngenkathi bezama ukuwela lo mfula beya ezikoleni noma beya emsebenzini.

Ngenkathi kusakhiwa imisebenzi enjengokuhlanganiwa kodonga lukakhonkolo, izinsika zokumisa amabulohlo neminye imisebenzi emincane beyenziwa yizinkontileka zeVukuzakhe eziolahleweni IoMnyango iVukuzakhe Database. Ngaphandle kwalokhu kusetshenziswe abantu bendaba abanangi ngenkathi kuqhutshwa umsebenzi wokwakha la mabhulohlo.

Lo mcimbi uphinde futhi wethanyelwa nanguNgqongqoshe wezeMpilo KwaZulu-Natal uNkk Neliswa Nkonyeni obophezele uMnyango wakhe ekutheni uzokwakha imitholampilo eyishumi kule ndawo.


Kwesingenhla:

Abaholi baseMsinga bahlanganya noNgqongqoshe uBheki Cele ukuvula ngokomthetho ibhulohlo aliqambe ngeNkosi yendawo noBaba uSmakade Mchunu.

Kwesokudla:

UCele, iNkosi uMchunu noNgqongqoshe wezeMpilo uNeliswa Nkonyeni bamukelisa izikole zaseMsinga ngamakhompyutha.

Ngenzansi:

UCele, uNkonyeni neNhloko yoMnyango wezokuThutha uChris Hlabisa bavula ngokomthetho ibhulohlo lezinyawo KwaLeje.

"Le mitholampilo izokwakhiwa esikhathini esiyizinyanga ezizayo kanti ekwakhiweni kwayo kuzosetshenziswa uhlelo olusha lokwakha olusanda kuqualiswa ukusetshenziswa yilo Mnyango," kusho uNkk Nkonyeni.

UMnyango wezokuThutha ubone isidindo esikhulu sokunakekwa ngezidindo zezempiro okubhekene nomphakathi walapha, wase uzinikela ekutheni wakhe izikhungo zezempiro ezindaweni ezechukahlukene eMsinga ikakhulukazi kulezo zindawo ezinabantu abanangi abaqqene ngandawonye. Lezi zikhungo



zezempiro zizosebenza ukuxhumanisa imiphakathi nemitholampilo emikhulu kanti zizobe zisiza ezintweni ezinjengokugonywa kwezingane nokwelapha abantu abangaguli kakhulu. UMnyango wezokuThutha KwaZulu-Natal sewusebenzise isamba semali esingu-R258million esifundeni Umzinyathi District ukuze sikhazi ukubhekana nezinselelo zengqalasizinda yezemigwaqo.



UMnyango uthole ukunconywa okuwufanele eNkandla



UNgqongqoshe wezokuThutha uBheki Cele noMongameli we-ANC uJacob Zuma oyisakhamu saseNkandla bahambele imizi bezwa izinkinga mayelana nezokuphepha emgwaqeni nokunye, ngaphambi kokuba baphendule isoyi lokwakhiwa kwebhulohu nomgwaqo eNkandla (njengoba kuvela kwesincane).

UMengameli we-ANC uJacob Zuma uwakaliseukuncoma kwakhe uMnyango we z o k u T h u t h a waKwaZulu-Natal ngokuzinikela okukhombisile ekuthuthukisweni kwezindawo zasemakhaya.

UZuma wethembise ukuthi uzoqhubeuka nokulwela ukuthi uhulumeni uyakuqinisekisa

ukuthi bayanakekelwa abantu basemakhaya.
Uthe: "Sidinga abantu abanesibindi kuhulumeni, abantu abafana noNdosi (uNgqongqoshe wezokuThutha, ukuPhepha nokuXhumanisa uMphakathi KwaZulu-Natal uBheki Cele).
UZuma ubekhuluma ngenkathi kunomcimbi wokuphendulwa kwesoyi lapho kuzokwakhiwa khona

ibhuloholezimota Uthulwane Vehicle Bridge nomgwaqo okuzokwakhiwa endaweni yaseNkandla nokuyindawo uZuma aqhamuka kuyo. Leli bhulohu elakhiwayo elizowela phezu komfula uThukela, luzobiza isamba sika-R11million kanti lizobe sekwelekwa ngokwakhiwa komgwaqo ongamakhilomitha angu-11 nokuzobiza u-R7,5million ukwakhiwa kwavo.
UZuma kwaba nguye uqobo



Iwakhe owacela uMnyango ukuthi kubekhona okwenzela abantu baseNkandla abahlale benenkinga njalo uma bewela umfula uThukela.

"Ziningi izikhulu engixhumane nazo ukuthi zicubungule udaba lokwakhiwa kwaleli bhulohu, kodwa kuthengemuvakubasengikhulume noCele noNgqongqoshe kazwelonekwezokuThutha uJeff Radebe, lolu daba Iwathola ukusukunyelwa

ngokushesha," kusho uZuma.
Uthe abantu basezindaweni zasemakhaya bayalitshalwa uma kulethelwa umphakathi intuthuko, kunakwa ikakhulukazi abantu basezindaweni zasemalokishini.

"Angikaze ngijabule ngalolu hloba uma sizophendula isoyi kule ndawo. Ngizizwa ngifana nomfana omcane," kusho uZuma kubantu abangu-10 000 abebethambele lo mbuthano.

Ukuphendulwa kwesoyi lapho kuzokwakhiwa khona ibhulohu lezimota nelezinyawo eTulwane, sekufake ugqozi kwaletsha nethemba kubantu baseNkandla abebenganakiwe sebelitshelwe phezu kokuthi umholi obaluleke njengoMengameli we-ANC uZuma ehlala khona kule ndawo eNkandla.

Ephawula ngesimo esibi sezindawo zasemakhaya KwaZulu-Natal, uNgqongqoshe uCele uthe kunamabhulohu angu-462 okudingeka ukuthi akhiwe kulesi sifundazwe saKwaZulu-Natal.
"Impilo iyama kwabanye abantu uma lingekho ibhulohu. Kuningi esesikwenzile, kodwa kusekuningi okunye okudinga ukwenziwa lapha KwaZulu-Natal," kusho uCele.

UCele ubuye wagcizelela nesidingo sokuthi kubekhona 'izimbizo' nezimeya zasezindaweni ezehlukene esifundazweni saKwaZulu-Natal ukuze kuxoxiswane, ikakhulukazi

ngodaba lapho ezinye zezimeya ezikhohlisa abantu ngokuthi zithi yizo ezilethe izinhlelo zentuthuko ezilethwa nguMnyango wezokuThutha KwaZulu-Natal.

Udalule nokuthi uMnyango wakhe unamalungu angu-1250 osonkontileka beZibambele ngaphansi kwasakhiwo sezokuthutha sasezindaweni zasemakhaya eNkandla nesaziwa ngokuthi yiNkandla Rural Road Transport Forum (RRTF). UMnyango usebenzisa imali elingana neyezinkontileka ezintathu ukusiza iminden Ephakathi kuka-37 000 no-40 000 ekosonkontileka beZibambele kanti kusetshenziswa isabelo esingu-R203million ukubhekela lokhu esifundazweni.

Amakilabhu okonga imali eZibambele esifundazweni asekwazi ukonga isamba esingu-R10.5million kanti u-R539 000 wale mali ngowabantu abaqhamuka kumakilabhu okonga aseNkandla kuphela.

UCele ubuye wakugxeka ukuqashwa kwabantu ngensa yobulungu babo bamaqembu ezopolitiki, wathi ubuphofu abubandlului ngokwezopolitiki.



Bese kufezeka amaphupho lapha ngenkathi uNgqongqoshe uBheki Cele evula umgwaqo waseMatimatolo uP549. UMnyango kaNdosi awenzi izethembiso nje kodwa wenza izibophezelozifezayo

UMnyango wezokuThutha KwaZulu-Natal sewuqinisekise imiphakathi ukuthi kuthathwa izinyathelo ezinqala ukuqikelela ukuthi iyalandelwa inqubo yohlelo lokuqashwa kwabantubendawo umakunohlelo lokwakhiwa kwenqalasizinda yemigwaqo endaweni.

Ngaphansi kwale nqubo kubalulwa ukuthi noma yikuluphi uhlelo kumele ihlomule kwezomnotho imiphakathi yendawo okwakhiwa kuyo. Izinkontileka ziye ziphoqeleke ukuthi zithenge izinto zokuhuba umsebenzi ezinkampanini zakulezo zindawo futhi bonke abasebenzi abaqashwayo kuge ngabakuleyo miphakathi eseduze.

Abasebenzi balandwa ngaphandle kuphela uma bengekho abangochwepheshe bukuqhuba umsebenzi kuleyo ndawo.

Yize uNgqongqoshe wezokuThutha, ukuPhepha nokuXhumanisa uMphakathi uBheki Cele ehlale ekucizelela ukusetshenziswa kwale nqubo, utha abanye abqantu bambikele ukuthi ezinye izinkontileka zifika nabantu bazo kuthi abantu bendawo bangawatholi amathuba omsebenzi.

Uthe kunezinye zezinyathelo ezinqala esezipathathiwe ukutuqinisekisa ukuthi abantu

Kuqinisekiswa inqubo yokuqashwa kwabantu bendawo

bayawatholaamathubaomsebenzi, kungabekwa ukuthi baqhamuka kuliphi iqembu lezopolitiki.

UCele ubekhuluma emcimbini wokuphendulwa kwesoyi njengophawu lokuqala kokwakhiwa komgwaqo waseNtembisweni eGreytown muva nje.

Lo mgwaqo ozoba ngamakhilomitha angu-20 uzohlanganisa izindawo okuyiNtembisweni, iseMdlelanto, eGreytown naseSeven Oakes. Isiyonke imali ezosetshenziswa kulolo hlelo ilinganiselwa kwisamba sika-R30million.

Kuzosetshenziswa izinkontileka zeVukuzakhe ekwakhiweni kwalo mgwaqo kanti kulinganiselwa ukuthi kuzokwakheka amathuba omsebenzi abantu abangu-40. Abantu abangu-38 bazoqashwa ngaphansi kohlelo lokulwa nobuphofu iZibambele Poverty Alleviation Programme, ukuze bakwazi ukubhekana nokunakekelwa komgwaqo.

Kunezikole ezinhlanu zendawo okuyiNtembisweni Primary School, iCandabuthule High School, iNtandoyethu Lower Primary School, iMgaga Primary School neNdubazi Primary

School kanye nomtholampilo owodwa iNtembisweni Clinic okuzohlomula ngokwakhiwa kwalo mgwaqo wendawo.

Khona manjalo, uMnyango uvule umgwaqo u-P549 oseMatimatolo khona eGreytown. Lo mgwaqo uyaqhubeuka nokuphuculwa njengoba kunezinlelo zokuhufakelaitiyela umakuqala unyaka wezimali. Kulo nyaka wezimali ka-2008/2009 kuphuthulwe ukufakwa kwetiyela emgwaqweni ongamakhilomitha ayisishiyagalombili kanti lo msebenzi ule isamba semali esingu-R30million. Lo mgwaqo olungiswayo uyibanga elingu-50km kanti kulindeleke ukuthi uphuthulwe ngonyaka ka-2011. Isiyonke imali okubhekeke ukuthi isetshenziszwe ukuphuthula lulu hlelo ilinganiselwa kuR177.5million.

Lo mgwaqo uzosiza imiphakathi ehlala endaweni eMatimatolo okuyindawo enezikole ezine ezingamaPrimary, izikole ezingamaHigh School ezintathu nezinabafundi abalinganiselwa ku-600 nemizi engu-4 000 nabantu abangaphezo kuka-20 000.

Kulungiswa umonakalo owadalwa yizikhukhula oGwini oluseNingizimu yesifundazwe



Sekuvame ukuba njena uma uMnyango wenza imicimbi emiphakathini. UNggongqoshe ubehambele iminden yaseHarding eyizisulu zezingozi zomgwaqo wayishiya namaphasela okudla. Ekuhlanganeni nemindeni uCele uthola okuningi okwethusayo ngezimo abantu abaphila ngaphansi kwazo ngemuva kwezingozi zomgwaqo.

Uhulumeni sewufake isamba semali engu-R 617 million ukuze kwakhwe ingqalasizinda yemigwaqo yesifundazwe kulandela umonakalo owadalwa yizimvula ezinkulu ezindaweni eziningi esifundazweni saKwaZulu-Natal ikakhulukazi oGwini oluseNingizimu yakulesi sifundazwe.

Nyakenye izindawo eziningi zaKwaZulu-Natal ikakhulukazi ezisoGwini oluseNingizimu yesifundazwe, zehlakalelwu wumonakalo osabekayo ngenkathi kunezimvula ezinkulu ezathatha izinsuku ezimbili. Umonakalo wadaleka kusuka eZingolweni kuya eMgababa.

Lezi zikhukhula ezalinganisewa ku-500mmkwezinyeizindawo, zaholela ekutheni izakhamizi zasezindaweni eziningi zasemakhaya zizithole sezingondingasithebeni, zingasakwazi nokufinyelela ezindaweni ezibalelekile nezinezidingo njengezikole, izibhedlela nezitolo.

Ethula inkulomo ngenkathi

evakashele ogwini, uNgqongqoshe wezokuThutha, ukuPhepha nokuXhumanisa uMphakathi uMnu Bheki Cele utha: "UMnyango sewuzibekel ugmomo wokubeka phambili izinto ezimbili okuwukuphuthumisa ukulungiswa kwemigwaqo, ikakhulukazi ezindaweni zasemakhaya kanye nokuthuthukisa amathuba okugugquzela ukusungulwa kwezinkontileka ukuze kwakheke amathuba omsebenzi kabantu bendawo.

"Isamba semali esingu-R617 million sesihlinzekelwe lokhu. Kodwa ngeshwa umonakalo owadaleka ubalela ku-R1.1 billion kusosonke isifunda Ugu District."

Abalela ku-27 amabhulohu nemigwaqo eyaguguleka neyalimala kanzima, kanti sekualaliwe ukwenziva kocwaningo ukuthola izindlela zokulungisa kabusha amabhulohu. Phakathi kwezinye zezinhlelo okulindeleke ukuthi zihlomulise kakhulu umphakathi, kulokhu kulungiswakwengqalasizinda, kubalwa uhlelo lokulungiswa komgwaqo u-P68 (okulinganisewa ukuthi ukulungiswa

kwawo kuzoba phakathi kuka-R250 no-R300million), ukulungiswa komgwaqo u-P73 (okungumgwaqo ongamakhilomitha angu-75 nozobiza u-R900million), u-P254 (ozolungiswa ngo-R35million) no-P58 (ozolungiswa ngo-R18million).

Njengengxene yohlelo lwakhe lwezokuphapha emgwaqweni, uCele ugale uhlelo lwakhe okuvakashela umndeni ovalahlekelwa ngamalungu engozini yomgwaqo eyenzeke nyakenye. Le ngozi yenzenka emgwaqweni u-P732 neyadlula nemipfumulo yabantu abayisikhombisa.

Kukholakala ukuthi imbangela yale ngozi kwaba ngukweqisa isivinini. Umshayeli wemoto oneminyaka engu-19 kwatholakala ukuthi wayengenazo izincwadi zokushayela. Imindeni eyathinteka ngale ngozi yahlangana esikoleni esingumakhelwane nokuyilapho uCele adlulisela khona umyalezo wokuzwelana nayo watshela le minden nokuthi izosizwa ngabasebenzi bezenhlalakahle uma kunesidingo.

UMnyango uyakuqikelela ukubhekelelw komphakathi

Kule minyaka emihlanu endaweni yasoLundi, uCele unikezele ngemishini yokuthunga engu-12 kumakilabhu okuthunga omama amabili okuyiZizamele neBhekinjabulo Sewing Clubs.

endaweni yasoLundi, uCele unikezele ngemishini yokuthunga engu-12 kumakilabhu okuthunga omama amabili okuyiZizamele neBhekinjabulo Sewing Clubs.

Le mishini izohambisana nezinye izinto ezidingekayo ukuze bakwazi ukuqala umsebenzi webhizinisi labo.

USihlalo weZizamele unKK Khonjisiwe Ntambu utshele Igalelo ukuthi impilo inzima kakhulu kubona njengabantu besifazane, kodwa ukuthunga kubenza ukuthi bakwazi ukupatanisa baziphilise.

"Sithunga amakhethini nezinye izinto, kanti lokhu kuthola kwethu eminye imishini, kuzokwenza impilo ibe lula, futhi sewuzoba mninci umsebenzi esesizokwazi ukuwenza ngesikhashana. Ukuthi le mishini ingeyezinga eliphezulu kuzosisiza ekutheni umkhiziqizo esiqhamuka nawo ube ngowezinga eliphezulu," kusho uNtambu.

"Ukunika abantu amakhono okuziphilisa kubaluleke kakhulu ukuze bakwazi ukuzenzela izinto bathole

nokuya ethunjini," kuchaza uCele.

Ubuye wanikela ngejezi lokudlala ibhola lezinyawo kumakilabhu ebola amane akule ndawo. UMnu Nzamo Zulu ujabule kakhu ngenkathi ethola ukuthi ikilabhu yakhe angeke isaba nenkinga yokukhathazeka ngejezi lokudlala ibhola.

Isikole iMabedlana Primary School sihlomule ngokuthi kuphiwe amanyumfomu izingane zakhona ezihlonzwe njengeziswele kakhulu. Inyufomu beyihlanganisa amahembe, othayi, iziketi nezicathulo zesikole. Imfundu iwukhiye wekusasa kuleyo naleyo ngane kanti uhulumeni obusayo njengamanje uzibophezele ekususeni zonke izithiyo ezingavimba ingane ukuthi ifinylele esicongweni ezimisele ngokufinyelela kuso.

Kungenxa yalezi zizathu njengoba muva nje uNgqongqoshe walo Mnyango uMnu Bheki Cele enikezele ngamakhompyutha ezikoleni zasemakhaya lapho abafundi kudingeka babamhe khona amabanga amade ukuze bafinyelele emadolobheni bayofunda ngomphopyutha.

Kwesinye isinyathelo sokusiza osomabhizinisi besifazane abasafufusa

Isikole saKwaMashu sithole ukuxhaswa ngoNgqongqoshe boMnyango wezokuThutha

UMnyango wezokuThutha waKwaZulu-Natal sewuqalise umkhankaso wokuhlonza abafundi abadingausizolwezimaliukuzebakwazi ukufundela ezobuNjiniyela. Yingako uNgqongqoshe wezokuThutha, ezokuPhepha nokuXhumanisa uMphakathi KwaZulu-Natal uMnu Bheki Cele ejoyine uNgqongqoshe kazwelonek wezokuThutha uMnu Jeff Radebe nePhini likaMengameli wakuleli uNKK Baleka Mbete emcimbini wokugubha iminyaka engu-50 kwasungulwa isikole saKwaMashu Isibonelo High School muva nje.

URadebe wayefunda khona eSibonelo High School kanti uMbete wake wafundisa kulesi sikole. Lesi sikole sizakhele igama ngokukhizqa osaziyayo emikhakheni ehlukahlukene esingabala phakathi kwayo osomabhizinisi, abdlali bebhola abadume umhlaba wonke kanye malungu ePhalamende.

Lesi sikole esasungulwa eminyakeni engu-50 edlule ngenkathi kusenombuso wobandululo, besilokhu siphokophele phambili yize besibhekene nezinkinga


ezehlukahlukene, sawa sivuka sagcina siphumelele ngokusebenza kanzima kothisha bakhona nabafundi abebenokuzinikela.

Kungenxa yalo onothile walesi sikole njengoba sibona abaholi abafana noRadebe beqhamuka ngokuziqhenya ngokufunda kulesi sikole nangokuba kwaso yisibonelo sokusebenza kanzima nokuzinikela noma kungabe umuntu oqhamuka emlandweni wahlobo luni.

Abaholi bathole ithuba lokulalela ulozolo lomculo wekwayo nezinkondlo obekwethulwa ngabafundi bakulesi sikole ngomgubho waso.

"Akunandaba noma ungaya esikoleni esibizayo esixube izinhlanga, kodwa okubalulekile wulwazi olufumanayo nokuthi wenzenjani ngalo," kusho umfundi wakwaGrade 12 kulesi sikole uNksz Nomthandazo Zulu enkondlweni yakhe enomfutho ayethule kulo mbuthano.

Ngemuva kokwethula uNgqongqoshe kazwelonek wezokuThutha, uNgqongqoshe uCele ugugquzela abafundi ukuthi bahole ngokwesibonelo. Ube esethembisa



UNggongqoshe wezokuThutha uBheki Cele (ofake isigqoko) ubephelezela uzakwabo kuzwelonek uJeff Radebe ngenkathi eyobungaza nabanye ababefunda eSibonelo High KwaMashu. Lesi sikole besiqeda iminya engu-50 saba khona njengoba kusikwa ubhazabhaba wekhekhe.

Uhulumeni usebenza yezingane njengalokhu kubekiwe kumthethosisekelo wethu, nobalula phakathi kokunye ilungelo kwezemfundo, exemplio, nezenhala kahle

Uhulumeni wesifundazwe usungula isikhungo ukuhlonipha umculi wokholo



Abafana beThemba bese becula ngaphandle kukazakwabo uPhilani "Amen" Mkhanyawo kulanla ukubulawa kwakhe ngesihluku elele ekhaya lakhe eMlazi

Uhulumeni lomculo wokholo Ithemba obulawe ngesihluku muva nje. UNdunankulu waKwaZulu-Natal uSbu Ndebele wenze lesi simemezelo enkonzweni yomngewabo kaPhilani "Amen" ukuhlonipha ilungu leqembu

Mkhanyawo obuseMlazi eThekwini muva nje. UNdunankulu uthe uhulumeni wesifundazwe uzosiza ekwakhiwi kwalesi sikhungo esizokwaziwa ngokuthi

Ithemba Music Academy, nathe sifanelekile ukuba yisikhumbuzo salo mculi amchaze njengobeyisibonelo esihle entsheni. UMkhanyawo(33)ongumsunguli weThemba, wadutshulwa izikhathi ezimbalwa ekubo esigcemeni sakwa-N eMlazi. Ungomunye wezisulu zesihluku seqembu lezigegebengu elisolwa ngamacala okudlwengula amantombazane, nokubamba inkunzi konke okwenzeka ngobusuku obubodwa ngosuku abulawa ngalo.

Intombazane eneminyaka engu-19 eyayisekhaya ngosuku okwabulawangalo uMkhanyawo, yadlwengulwa ngenkathi yalokhu kuhselwa kanti ngesikhathi sokulotshwa kwalolu daba beyisathola ukwelashwa nokululekwa ngokwengqondo ngemuva kwalesi sehlakalo.

"Ukubulawa okungenangqondo kwale ndoda ebinesiphwi nethalente ngesikhathi lapho seyiqhakaza impilo yayo, kuyisihluku esingenasidingo," kusho uNdebele. Phakathi kwabanye

abebezimazise yomngewabo kaMkhanyawo, bekukhona amalungu eKhabhinethi yesifundazwe oNgqongqoshe uBheki Cele wezokuThutha, ezokuPhepha nokuXhumanisa umphakathi, uNgqongqoshe wezokuThutha koMphakathi uMeshack Radebe noNgqongqoshe wezobuCiko, ezamaSiko nezokuVakasha uWeziwe Thusi.

Ethula uNdunankulu ngaphambi kokuthi ethule inkulomo yakhe, uCele ukhulume kabanzi ngezikhathi ezinzima esiphila ngaphansi kwazo. Ukhulume ngokwenzeka kumahora angu-48 okwabulawa ngawo uMkhanyawo. Ubaluleishlakalo sokudutshulwa kweKhansela KwaMaphumulo nokubanjwa inkunzi kwepholisteshi kwantshontshwa izibhamu ezingu-16.

U-Amen ushiye emhlabeni unina, odadewabo ababili, umfowabo, izingane zakhe ezintathu nengoduso. children and his fiancé.

Ugqemeke engeqiwa ntwalla uMnyango wezokuThutha kwaZulu-Natal

UMnyango wezokuThutha KwaZulu-Natal ugqemeke inigozi ngokushiywa emhlabeni uMqondisi kaZibambele obesebenzela esifundeni saseLadySmith khona kwaZulu-Natali uSicelo Zondi (*esithombeni*). Ukushona kuksicelo akushiyanga nje uMnyango wezokuThutha kanye nabasebenzisana nawo kuphela belahlekelwe, kepha abantu abanangi balahlekelwe ngoba ubesethathwa njengomxhumanisi obaxhumanisa nezidingo zabo ikakhulukazi eMnyangweni wezokuThutha.

OkaNondaba udlule emhlabeni ziysikhombisa kuMashi ngenkathi ephuma lapho ebehlela khona umcimbi woMnyango obukuzoba ezinsukwini ezintathu ezilandelayo. Uhlangabezane nengozi yemoto abeyishayela okusolakala ukuthi wehluleke ukuyilawula emgwaqweni onohlwalane yabe seyigumbuqela khona endaweni yaseGreytown. Ubeyindoda eyaziwa kakhulu ngokuhleze imamatheka emsebenzini wayo okuyiwo eze yahambela kuwo.

Inkonzo yesikhumbuzo yake ibihanjelwe iNhloko yoMnyango wezokuThutha uChris Hlabisa.

Ethula inkulomo yakhe uHlabisa ududuze umndeni olahlekelwe wagcizelela nasekuthe niakuwo wodwa olahlekelwe. "Silahlekelwe iqahwe, size sakwazi nokufinyelela lapha nje namuhla ngenxa yaso lesi sishabasheki sezentuthuko," kusho uHlabisa. Ube esencoma kakhulu nokusebenza kwakhe ngokuzikhandla kanye nokwakha ubudlelwane obukhulu nomphakathi.

Waqla ukusebenza kuHulumeni owawaziwa ngoHulumeni waKwaZulu phansi koMnyango wezeMisebenzi lulunye enyangeni ka-Ephreli 1994 esebenza njenge-SASO (Specialized Auxiliary Services Officer). Wathola ukuqeleshwa futhi eqaphe isimo sokusebenza ezindaweni ezisemakhaya esifundazweni (okungukusetshenzwa kwemigwaqo ngamapiki namafosholo). Emuva koku-didiyela kweminyango kaHulumeni ngo-1996 kuya ku-997 wabe eseya kosebenzela eGreytown lapho wathola khona



uqeleshwa lobuMfolomane esebenza ngosonkonteleka abasa-fufusa kanye ne-RRTF yakhona eGreytown.

Ngonyaka ka 2001 kuya ku2002 wathola isikhala somsebenzi wokuba uNsumpa

kwezemigwaqo emaHhovisi esifunda sase-Estcourt, kwathi ngo 2004-2005 waqokwa njengomqondisi kaZibambele eLadySmith aphinde asize iNhloko-hhovisi kwimisebenzi thizeni kwaze kwaba useyadlu em-

labeni. Ushiye emhlabeni uNkosikazi wakhe abantwana kanye nomama wakhe.

Phezani ukucashisa izigebengu emakhaya enu



Amalungu omphakathi waseMnambithi abebeka izinkinga zaho ezihambisana nobugebengu obukhungethe indawo yazo. Bezinikwa ithuba nguNgqongqoshe wezokuPhepha nokuXhumanisa uMphakathi uBheki Cele ngenkathi ehambele kule ndawo.

Kuyishwa ukuthi ezindaweni zethu. abanye abantu Izigebengu zihlala nathi abazi ukuthi emphakathini. Ezinye izenzo babambe iqhaza zobugebengu zenzeka emajoyintini, iningi lawo angekho emthethweni ezenzweni ezenzeka

nalawo asemthethweni enza izinto ezingekho emthethweni njengokudayisela utshwala izingane eziseminyakeni eko-15. Lokhu kukhathazeka kuzwakaliswe nguNgqongqoshe

wezokuThutha, ukuPhepha nokuXhumanisa uMphakathi KwaZulu-Natal uBheki Cele ngenkathi ekhulumu embuthanweni wokubonisana weJustice, Crime Prevention and Security Cluster (JCPS) obubanjelwe eZakheni eMnambithi muva nje.

Inhlosongqangiyalombuthano bekungukusondeza ezomthetho kubantu ukuze bazi kangcono ngokugwenya kobugebengu nokuthi bazejwayeze ukusebenza kwengqubo yezobulungiswa nokulwa nobugebengu.

"Kubalulekile ukuthi siyaqinisekisa ukuthi asizeseki izigebengu ngoba nje sithi zingamadodana ethu esihlala nawo. Amaphoyisa anomthwalo wokubopha izigebengu nokuqinisekisa ukuphepha komphakathi. Kodwa akumele ahambé nje edubula abantu.

"Emizamweni yokulwa nezenzo zobugebengu, sekunohlelo Iwamavolontiya lokulwa nobugebengu kanti kumanje kusenamavolontiya angu-164 aqapha amakhaya ezindaweni zaho. Umsebenzi omkhulu wala mavolontiya ngukuqinisekisa ezokuphepha emphakathini nokugqugquzela

ukungaziphathi ngendlela enobugebengukwabantungokuthi asebenzisane ngokubambisana namaphoyisa," kucacisa uCele.

Lo mbuthano wokubonisana bewuhlanganisenohleolwaziwa ngokuthi yiSiyabonisana Project enokusebenzisana ngokubambisana nabeSouth African Women's Lawyers' Association. Lokhu kusebenzisana kuhlanganisa nokudluliswa komyalezo kwabeszindaba ngezinto ezithinta udlame lwasekhaya, ukunikwa amabheyili kwabantu abasolwa ngobugebengu nangezinto ezithinta ukuhlukumeza ngokocansi.

UCele uthi uphatheke kabi ngokukhula kwsibalo sabesifazane abasebancane ababoshwa emgwaqweni ngoba beshayela bephuzile.

"Sengibe kwizivimbamgwaqo eziningi kulesi sifundazwe kanti sengibone abanangi besifazane abasebenza imisebenzi emihle beboshwa ngoba beshayela bephuzile. Uma sihubeka kanje, sizogcinasesiyisizwe sezikadwa," wexwayise kanje.

Amaphoyisa kumele enze aqashelwe kona



INhloko yoMnyango wezokuPhepha nokuXhumanisa uMphakathi uYasmin Bacus ubonisana noNgqongqoshe uCele emhlanganweni wokudingida ngobugebengu eDumbe.

UNgqongqoshe wezokuThutha, ukuPhepha nokuXhumanisa uMphakathiBheki Cele usephinde wahlaba wahlikiza amaphoyisa athanda ukubonisana nabamangali esikhundleni sokubopha abasolwa. Uthi uhlale ethola imibiko yokuthi kunamaphoyisa athanda ukubuza abesifazane ukuthi bebegqoke kanjani ngenkathi bedlwengulwa. "Akuwona umsebenzi wephoyisa ukubheka ukuthi intombazane igqoke isiketi esifushane ngakhoke iyona eziponsela ukudlwengulwa. Amaphoyisa awabona ongoti

bengqephu, wona kumele aqoqe ubufakazi abophe izigebengu. Musani ukwahlulela ngoba sinayo amajaji nezinkantolo ezibekelwe ukwenza lokho," kusho uNdosi. UCele ubekhuluma eDumbe enhla neKwaZulu-Natal lapho ebahambisana khona noNgqongqoshe wezoLimo nezeMvelo uMtholephi Mthimkhulu kulandela imibiko yokwenyuka kwezigameko zokwebiwa kwemfuyo nobunye ubugebengu kule ndawo. Indawo yaseDumbe isibe nokwenyuka kwezigameko zokudlwendugulwa nokuhlukunyeza kwezingane kanti ngenxa yokuhlupheka,

abesifazane nezingane bagcina bengakwazanga ukubika amacula ngoba abenzi balokhu kuba ngabantu ababondlayo. "Amaphoyisa endawo kumele awabhekisise la macala, siyanusa futhi ukuthi enze umsebenzi aqeqeshelwe wona," kusho uMagaye.

Ubuye wagxeka kakhulu nezenzo zamaqembu oqonda, wathi umthetho waleli lizwe uthi umuntu umsulwa aze alahlwe inkantolo, hhayi omunye umuntu. Kukhona iqembu loqonda elizibiza ngokuthi iSikebhe eliphume umkhankaso wokuzibambela izigebengu, lokhu osekuholele ekushisweni kwemizi yabasolwa.

"Akukhona kwampunzi idla emini lapha, leli lizwe linemithetho nomthethosisekelo. Abanye balaba bantu baphuma bayolanda izinkomo kodwa bangazibuyiseli kubanikazi bazo. "Ukwebainfuyokuyicalaelibucayi okumele lifaniswe nokubamba inkunzi ebhange. Kukhona abantu abathembe emfuyweni kuphela ukuze balale bedlile okusho ukuthi ukuyintshontsha kungukuphuca

abantu isinkwa, imali engenayo nalokho abakwazi ukukonga," usho kanje.

Unxuse amalungu omphakathi ukuthi abambisane namaphoyisa ukuqinisekisa ukuthi kwensiwa okuningi ukulwa nobugebengu endaweni.

UMnyango wezoLimo wona wethule izinhlelo zaho zamasiyu okutshala ubhontshisi emphakathini. Umphakathi waseBhadeni uthole u-150 wamahektha okutshala ubhontshisi. Lapha kuzosizakala abantu abangu-700 kanti kufakwe u-R1,7 million ukuqhuba umsebenzi.

Umphakathi wakwadlamini uthole u-200 wamahektha kabhontshisi ngesamba sika-R1,8 million, azokondla abantu abangu-840. UMnyango sewakhe namadiphu angaphezulu kwekhulu eZululand umphakathi owasebenzisa mahhala. "Konke lokhu kuyingxene yezinhlelo zikahulumeni zokuqedu ubupofu ngohhafu ngonyaka ka-2014," kubeka uMthimkhulu.

Umyalezo weNyanga yamaLungelo eSintu



UMnu. B.H. Cele

UNggongqoshe weZokuthutha,
ukuPhepha noKuxhumanisa
uMphakathi

Uhulumeni uba ngosemthethweni uma ukuba khona kwawo kusekeleke entandweni yabantu futhi lwo hulumeni uwahlonipha amalungelo abantu. Kungalesi sizathu uMnyango wezokuThutha KwaZulu-Natal unezinhlelo ezihambisana nokuhlonishwa kwamalungelo esintu.

Lezi zinhlelo yizona esikwazi ukubona ngazo umehluko esiwenzayo uku-thuthukisa abantu bakithi, ikakhulukazi ababencishwe amathuba phambilini.

UMnyango wezokuThutha unomsebenzi onikwewonangokomthetho ukwengamela uhlelo Iwezokuthutha KwaZulu-Natal. Lokhu kuhlanganisa phakathi kokunye, ukwakha amabhulohlo ezinyawo nemigwaqo yasemakhaya.

Le ngqalasizinda iqinisekisa ukuthi amalungelo abantu bakithi kwezenhalo-mnoph abekwa phambili njengoba kucacisa uMthethosisekelo. Lokhu kuhlanganisa ilungelo lemfundo, ezempilo, nokunakekelwa.

Siyazi ukuthi njengezwe, sisagxile kakhulu kwazokuthutha eziqondene no-2010. Kodwa njengo-Mnyango wezokuThutha sifuna ukuqinisekisa ukuthi ngenkathi sigxile ku-2010 nangemuva, kodwa siyaqhube ka nukuletha inqalasizinda yezokuthutha emiphakathini yasemakhaya engathintekile ngqo

ngemisebenzi ka-2010.

Ngakho-ke isabelo mali sethu sisiqondise ezindaweni ezinjengoNongoma, eMahlabathini naseMsinga lapho abantu besahamba amabanga amade beya emitholampilo, ezbihedella, ezikoleni nasezimpeshenini. Sithi njengohulumeni asikwazi ukuvumela isimo lapho othisha nabafundi kumele bakhumule nsuku zonke uma bewela imifula beya esikoleni. Nabo ban-elungelo lokuba nesithunzi.

Asifisi ukubona into eyakhonjisa kwi-TV ngehlolo lika-2004 – inkinga eyayibhekene nabafundi baseNomzimane High okwakumele bawele iMfolozi edla izindwani nsuku zonke ukufinyelela esikoleni.

Ukwakhiwa kwemigwaqo yasemakhaya kuphinda kulethele omama bethu amathuba okuxosha ikati eziko ngohlelo lukaZibambele lokulungiswa kwemigwaqo. ENingizimu Afrika kuyilungelo lesintu ukuthi kumele ulale udile.

Siphinde sasiqondisa kwezokuphepha emgwaqeni isabelo mali sethu. Phela izwe lethu alikwazi ukuthi qhubeka nokulahlekela ngabantu kangaka abanye balimale kanzima nsuku zonke. Sesike sahambela iminden eminingi kulesi fundazwe ethinteke ezingozini zomgwaqo. Sibonile ukuthi inzima kanjani impilo kubantu abalahlekela izihlobo zabo ezbondlayo ngenxa yezingozi zomgwaqo.

Izingozi zomgwaqo ziphuca izingane zethu amalungelo okuba nabazali. Ngakhoke nginxusa bonke abasebenzisa umgwaqo babambisane ukuze senze okuningi ukuvikela ababuthaka emiphakathini yethu.

Njengoba sibheke okhethweni nje, nginxusa bonke ababhalisele ukuvota ukuba besebenzise ilungelo labo abalinikwe uMthethosisekelo.

UMnu: Bheki Cele
UNggongqoshe weZokuthutha,
ukuPhepha noKuxhumanisa
uMphakathi

INgwavuma iyibona ngamehlo intuthuko



Abafundi basezikoleni zaseNgwavuma bathole ukudla izithelo zenkululeko eyalwelwa ngabazali babo ngenkathi uNggongqoshe uBheki Cele ebagixabeza ngezingqayika (amabhayisekili) ukuze bafinylele kalula ezikoleni. UCele uphinde waqinisekisa ukuthi ubuchwepheshe bugxila nasezindaweni zasemakhaya ngokunikela ngamakhompyutha kubafundi.

Ungqongqoshe wezokuThutha, ukuPhepha noKuxhumanisa uMphakathi, uBheki Cele, usephinde wagidlabezaizikole zaseNgwavuma ngamabhayisekili namakhompyutha. Amabhayisekile azosetshenziswa abafundi abahamba amabanga amade uma beya esikoleni. "Nginika isikole saseSbamu amakhompyutha ayishumi kanye namahlunu eMtshelekwan High School ukuze izingane zibeno lwazi oluthe thuthu ngezamakhompyutha. Ngiyazibophezelu ukuthi ngizonezelu ngamanye amahlunu eMtshelkwan. Ezinganeni zesikole ezihamba amabanga amade ngizobanika amabhayisekili ayishumi isikole ngasinye," kusho uCele. Akazange aphethe lapho kodwa uphinde wanika ezinye izikole eziyisithupa amabhayisekile okubalwa kuzo iNamaneni, Ndumo, Zandlazethu, Lubhuko, Gamula neMthanti High School.

Loku ukwenze ngesikhathi evakashela indawo yaseNgwavuma lapho ebehambisana neminye iminyango kaHulumeni emine, ebizokwethula izinhlelo zayo emiphakathini wale ndawo engasemngceleni waseSwazini

"Silapha nje ngoHulumeni ukuba sisize umphakathi silethe intuthuko ngenxa yebanga umphakathi olihambayo uma befuna ukuthola usizo, loko kugcina sekwenze imbobo emaphaketheni abagibel," kusho uCele.

UMnyango wezeMpilo obuholwa nguNggogqoshe wawo uPeggy Nkonyeni uvule umtholampilo waseManyiseni obize isamba esingu R11,7million ozosiza umphakathi wakule ndawo.

UNggongqoshe wezoLimo nezeMvelo uMtholephi Mthimkhulu naye uzibhophezele waphinda wagqquqzela ukuthi abantu baqale izingadi zomphakathi uku baxoshe ikati eziko.

UMnyango wezoBuciko namaSiko nokuVakasha uhamba noNggongqoshe wawo uWeziwe Thusi, ukhuthaze ukuthi umphakathi usungule amaqembu okwenza ubuhlalu ngoba le ndawo inamathuba amanangi kwezokuvakasha.

UNgqongqoshe wezokuThuthukisa koMphakathi uMeshack Radebe akakwazanga ukufika kodwa waphathisa uCele ukuba anikeze iminden ehlwempu izijumba zokudla. NoMnyango wezaseKhaya ubukhona kanye no-SASA bezosiza umphakathi ukuba uthole omazisi kanye nezitifiketi zavo.

IGALELO

Igalelo iphephandaba loMnyango wezokuThutha KwaZulu-Natal.

Izincwadi eziya kuMhleli kanye nemibono zingathunyelwa kuMhleli weGalelo:

Ucingo: 033 - 355 8624.

Ifax: 033-355 8632.

Iposi: Private Bag X9043 Pietermaritzburg 3200

E-mail: Piwe.Mkhize@Kzntransport.gov.za

Website: www.kzntransport.gov.za

Umhleli wezindaba:

Simphiwe Mkhize

Umsizi womhleli wezindaba

Sibongiseni Thabete

Izintatheli:

Nomfundo Zulu, Akhona Sijula, Ntombenile Khoza, Thobeka Shangase, Snayo Daba

Omabhalane:

Nana Mngomezulu, Zibusile Ngidi, Lesego Ngoma, Reshona Singh, Michelle Dally, Fezeka Binase, Portia Mazibuko, Fezeka Magini, Ntokozo Madondo, Zandile Ziqubu,

Zama Khanyile, Nhle Radebe

Izithombe:

Thami Mkhulisa, Sbu Zungu, Sphe Dlalisa, Zingisa Hlathi

Abadidiyeli:

Hamraj Gunpath, Elton Naidoo,

Zephrid Mathe